



ODLUKA

o raspoređivanju finansijskih sredstava iz dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.)

(prijedlog)

Predlagač: Gradonačelnik
Obrađivači: Gradska služba za finansije
Gradska služba za opću upravu
i zajedničke poslove

Sarajevo, april 2019. godine



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 1. stav 2. Odluke o raspodjeli dobiti za 2018. godinu Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) broj: 02-05-SP-678/19, od 02.04.2019. godine, Gradsko vijeće Grada Sarajeva, na sjednici od __. __. 2019. godine donosi:

(prijedlog)

O D L U K U

o raspoređivanju finansijskih sredstava iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.)

Član 1.

Ovom odlukom raspoređuju se finansijska sredstva u iznosu od 1.200.000,00 KM iz neto dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), ostvarena u skladu sa članom 1. stav 2. Odluke o raspodjeli dobiti za 2018. godinu Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) broj: 02-05-SP-678/19, od 02.04.2019. godine.

Član 2.

Finansijska sredstva iz člana 1. ove Odluke evidentirati će se u Gradu Sarajevo, na budžetskoj poziciji 391100 – razgraničeni prihodi, a koristiti će se za realizaciju Projekata:

1. Budžetka pozicija 391200 – razgraničeni rashodi: Rješavanje imovinsko-pravnih odnosa na objektu zgrade željezničke stanice Bistrik u Sarajevu, u iznosu od 960.000,00 KM,
2. Budžetka pozicija 391200 – razgraničeni rashodi: Sufinansiranje projekta "Atelje-muzej Safet Zec"- Općina Centar Sarajevo, u iznosu od 240.000,00 KM.

Član 3.

Za knjigovodstvenu evidenciju finansijskih sredstava iz člana 1. i 2. ove Odluke zadužuje se Gradska služba finansija.

Član 4.

Ova Odluka stupa na snagu narednog dana od dana objave, a objavit će se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Igor dr Gavrić

Broj:
Sarajevo, __. __. 2019. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te člana 1. stav 2. Odluke o raspodjeli dobiti za 2018. godinu Skupštine Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.) broj 02-05-SP-678/19, od 02.04.2019. godine, u kojem je utvrđena visina dobiti i način njene raspodjele.

RAZLOZI DONOŠENJA

Nakon utvrđivanja dobiti dobiti Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva (JP „Sarajevo“ d.o.o.), uzimajući u obzir preporuku Odbora za Reviziju te ukupne finansijske obaveze preduzeća u finansijskoj godini, uključujući realizaciju planiranih zadataka iz plana poslovanja kao i iznos kapitalnih i drugih investicija neophodnih za rast i razvoj preduzeća, Skupština JP Sarajevo d.o.o., na obrazloženi prijedlog Direktora društva i uz prethodno pribavljeno mišljenje Nadzornog Odbora društva i Odbora za reviziju donijela je Odluku o raspodjeli dobiti za 2018. godinu broj 02-05-SP-678/19, od 02.04.2019. godine.

Odlukom Skupštine, neto dobit u iznosu od 1.200.000,00 KM isplatiti će se Osnivaču.

Ovom Odlukom vrši se raspoređivanje finansijskih sredstava iz neto dobiti preduzeća na način da se sredstva u iznosu od 960.000,00 KM, usmjere na rješavanje imovinsko-pravnih odnosa na objektu zgrade željezničke stanice Bistrik u Sarajevu i sredstvima u iznosu od 240.000,00 KM, sufinansira projekat "Atelje-muzej Safet Zec" s općinom Centar Sarajevo.

U cilju realizacije ostvarene i dodjeljene dobiti Javnog preduzeća, Gradsko vijeće Grada Sarajeva je donijelo navedenu Odluku.

FINANSIJSKA SREDSTVA

Finansijska sredstva za realizaciju ove Odluke nisu potrebna.